

漢名臣傳

二下



庫文閣内		
三八	二三〇五	漢
函	一六	書
一四	冊	號
架	類	

庫文閣内		
五	二	漢
函		
内閣文庫		
番號	漢	2305
冊數	160 (100)	
函號	290	43



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



刑部

旨學臣開係入才所奏停者試按律若陞補  
事屬可行下所司集議如廷銓請時吏部給  
除三事數例習意因緣為奸給事中楊雍建  
胡尔楷粘本盛孫際昌王啟祚御史許劭昕  
先後疏糾其弊且劾廷銓因循委靡為官吏  
朦蔽事下宗人府都察院會議部臣均坐降  
罰廷銓劄加銜罰俸又以會推調漕督沈文  
奎為巡撫

刑部

上以巡撫不宜降調官下議政王等察議廷

銓降三級留任十七年四月疏言舊例新開  
邊疆員缺督撫委用者卽予寔授同部選之  
官一體遷轉有莅事未久輒移內地者請嗣  
後試署兩年果能安民靖盜乃予寔授又言  
司道不宜輕易非大計處分及貪酷被糾而  
降章者宜仍留任疏並得

旨俞允六月因旱陳言二事一曰寬考成二  
曰舉屯政

上命兵部議興屯事宜而摘考成疏中積資

累荐舉以一肯等語

諭令回奏所指廷銓言積疲州縣久累人材  
稍請寬減以勵後效非爲處分人員求免十  
一月大學士劉正宗爲左都御史魏裔介御  
史季振宜劾奏罷職吏部尙書伊圖等謂科  
道未劾正宗者應議處廷銓言正宗罪狀原  
因言官舉發不應轉議言官因偕侍郎郝惟  
訥馮溥別爲一議  
士以滿漢兩議傳

旨申飭尋

諭寬免科道各官議處  
聖祖仁皇帝康熙二年二月都察院劾廷銓  
當會議之所與尙書杜立德喧爭失大臣体  
應並議罰  
詔寬免之四月御史李秀疏劾廷銓爲劉正  
宗親党巧舞奸弊過會議會推則閉目俯首  
如木偶素與侍郎馮溥同鄉相結其弟孫廷  
鐸考取推官徇私有據

上責秀以言官糾劾本應緣事指陳不得恣  
詞詬詈

命廷銓溥回奏皆辨釋五月擢廷銓秘書院  
大學士三年十一月以疾乞假歸里十三年  
卒於家年六十有二  
予祭墓如典禮謚文定

郝浴列傳

郝浴直隸定州人順治六年進士授刑部主  
事八年遷湖廣道御史奉

命巡按四川時流賊張獻忠餘党孫可望李定國劉文秀等降附明桂王朱由榔踞川南竊掠九年平西王吳三桂與都統李國翰分兵復成都嘉定叙州重慶駐師綿州浴在保寧監臨鄉試可望文秀等合眾數萬薄城浴遣使赴綿州告急逾月吳三桂乃移兵赴援危城得全浴因陳善後之宜畧言大兵勦賊借陝西運餉道遠費繁宜移陝西駐防屯田成都並招流民開墾借給土司牛種屯耕一

年可抵輸運三年之利又言滇黔賊寇善乎騰山越嶺蜀中土官土兵習尙相近宜簡精銳爲前矛以滿洲驍騎繼其後疾雷迅電之下賊寇咸鳥獸散矣

上嘉其所奏可採下部議部臣以戰守機宜應听三桂酌籌寢其事浴又言土賊投誠給剗授官恣行劫掠甚爲民害請嗣後願歸伍者歸伍其願爲民者卽令有司造冊編丁以資生聚又請免牛租除雜派惟就熟地開征

傳民有一定之額疏皆下部議行又劾奏永寧總兵柏永馥臨陣畏縮廣元副將胡一鵬驕悍不法並

命章職逮訊方保寧之奏捷也

詔頒賞將士三桂因以冠服與浴浴不受疏言剪平賊寇平西王責耳臣司風憲不預軍事而以臣預賞非党臣則忌臣也因並疏三桂擁兵觀望狀

上命三桂以賞物別賞有功將士大學士馮

銓成克鞏呂宮等疏奏浴固守保寧出入營壘奮不顧身收兵措餉轉敗為功堪膺擢用三桂因摘浴保寧奏捷疏中有親冒矢石語劾其欺罔冒功部議浴應革職逮訊尋論死命免死流徙奉天

聖祖仁皇帝康熙十年

駕幸奉天浴迎謁道左

上親垂問焉十二年三桂反明年尙書王熙給事中劉沛先交章荐浴為部議所格十四

年侍郎魏象樞又荐浴才學識兼優不宜終  
棄得

旨召還錄用復原官時陝西提督王輔臣叛  
應逆藩吳三桂浴疏言大兵進勦平涼宜于  
西安潼關用重兵屯駐以待策應用鄭陽之  
兵攻與安調河南之兵入武關直取漢中則  
逆賊計日可殄疏下部議令在事大臣相機  
而行又言民間納糧多額外征求致正額反  
缺又招買軍需名爲市易實係攤派里民比

及發價官役互相侵扣又於解餉時多索收  
餉之費任意遲延請

勅督撫嚴察又言京通各倉積貯已多請留  
山東河南額征耗米折銀以濟軍需疏並下  
部議行十六年巡視兩淮鹽課明年擢左僉  
都御史尋遷左副都御史十九年五月更定  
新例凡死罪減等及軍流人犯俱發遣黑龍  
江奉天諸處浴以天旱民飢恐遺犯道斃者  
多既陳新例未便下九卿等會議惟犯贓官

漢名臣傳卷二  
役依新例餘仍如舊律七月疏言官員非正途出身者雖經保舉仍照常陞用不准考選科道又言各部院大臣宜于歲終視司官賢否各舉劾一人以昭懲勸亦下部議行十二月擢廣西巡撫二十一年疏言粵西地丁錢糧以米折銀乃一時權宜之計今軍餉既停請仍照舊征收又請  
御書清慎勤等字頒發各省督撫懸之堂上俾閭省士民均得瞻仰以垂億載得

旨俞允又言粵西外控土司內制犴獯今已底定大兵盡撤守兵議裁惟撫標官兵不宜再議裁減疏下部議准留其半又以廣西巡撫馬雄鎮傳宏烈先後爲逆孽吳世璠世璠所害請建雙忠祠于桂林潯州府知府劉浩爲孫延齡所執不屈死請  
賜卹典又請復賑濟貧生學租銀米俱得旨允行二十二年七月卒

漢名臣傳卷二  
上諭曰郝浴簡任巡撫以來實心任事邊疆



重地正資料理忽聞濫逝深為憫惻下部議  
郵初巡撫傅宏烈以軍需移取庫金七萬餘  
兩米七千餘石浴莅任欲以庫項扣抵及卒  
署廣西巡撫布政使崔維雅劾浴報銷諸冊  
皆虛抵虛銷私用庫金及採買餘銀十四萬  
二千餘兩

上命郎中蘇赫陳光祖前往察審以浴採買  
米豆浮開價值借支給兵船夫價為名實侵  
銀九萬餘兩覆奏部議革職追補二十四年

五月

上諭曰郝浴前任兩淮巡鹽潔已奉公恤商  
裕課後簡任廣西巡撫清廉愛民克稱厥職  
其所動錢糧非係入己從寬免追以昭朕優  
卹鹽吏至意二十五年六月子林為父訴寃  
請復原官部議不准

特旨准予追復九月林復請卹

賜祭葬如例二十六年入祀賢良祠林康熙  
二十一年進士累官禮部左侍郎雍正四年

海名臣傳卷二  
加尚書銜致仕見大臣表

李蔚列傳

李蔚直隸高陽人父國縉明天啟時官大學士諡文敏明史有傳蔚七歲而孤

本朝順治二年舉人三年進士改庶吉士授檢討尋遇

太祖高皇帝配

天覃恩晉編修十年二月

世祖章皇帝親試習清書翰林蔚與侍講胡

兆龍檢討莊同生並列上等擢中允五月遷侍講會直隸江南諸省學政需代例用翰林蔚同同生等以清書尚未精通恐致荒廢乞免開列大學士圖海范文程爲之代奏得

旨俞允尋擢侍講學士十二年遷秘書院學士同學士禪岱麻勒吉胡兆龍教習庶吉士時始設

日講官蔚同麻勒吉胡兆龍及侍讀學士哲庫納洗馬王熙中允方懋成曹本榮充之十

四年充

經筵講官十五年二月充會試副考官三月  
考滿加一級廕一子入監五月授秘書院大  
學士九月改東閣大學士尋與大學士巴哈  
納等疏言內三院既改爲內閣別設翰林院  
宜分職掌以專責成

上允所請十六年三月

諭獎勵勞奉職諸大臣加爵太子太保先是  
十二年

上親選武進士二十三人以領侍衛內大臣  
教習騎射

特詔肇行大典宜加優異一甲一名視副將  
二名視叅將三名視遊擊二甲十九人視守  
備皆按品食俸至是兵部以十五年所選武  
進士劉炎等援例請

旨疏下內閣票擬既擬進

諭曰內閣之設原因章奏殷繁一時遽難周  
覽故令其看詳票擬候旨裁定此舊例也

新任者宜虛公謹慎悉心辦理方爲盡職今  
兵部請武進士劉炎等品級俸祿一疏或令  
部議或卽准給及不准給自應三擬乃止一  
擬部議一擬不給特因劉炎等係武職聲氣  
不通不擬給與如此偏懷私見任意妄裁負  
朕倚任不重加懲治以後自專之端必至漸  
長下九卿科道同吏部察議諸大學士及學  
士並降罰留任以票擬由覈核定降四級調  
用九月

命寬免諸大學士學士降罰覈復原官任事  
如舊十九年四月同大學士巴哈納等校定  
律例十八年

聖祖仁皇帝御極復設內三院覈改宏文院  
大學士三年充會試正考官六年充纂修

世祖實錄總裁官九年仍以內三院爲內閣  
覈改保和殿大學士十一年

世祖實錄告成

賜銀幣鞍馬加太子太傅十三年

詔舉素有清操堪膺繁劇者蕭荐休致布政使王舜年降調叅議道俞之炎副貢生楊始亨十五年充會試正考官十七年

詔舉博學鴻儒蕭與大學士杜立德馮溥合荐副使曹溶布政使法若真叅議道施閏章中書曹禾陳玉璫知縣米漢雯進士沈珩葉舒崇二十一年充

三朝聖訓  
平定三逆方畧重修

太祖高皇帝實錄摠裁官又充明史監修摠裁官先是重修

太宗文皇帝實錄蕭為摠裁官至是告成賜賚如例晉太子太師蕭充

大清會典摠裁官會臺灣初定提督施琅請設官鎮守廷議未決有謂宜遷其人棄其地者

上召詢諸大學士蕭奏言棄其地恐為外國所據遷其人慮有姦宄生事應如施琅請設

官鎮守

上是具言二十三年六月以疾卒年六十遺  
疏入得

旨李燾簡任机務慎勤敏練宣力有年勞績  
素著忽聞溘逝朕心深為憫惻下部議卹

命大學士明珠同學士一員奠茶酒

賜祭墓如典禮諭文勤四十九年三月

諭大學士等曰李燾任大學士時始終恪慎

茂著勤勞伊孫工部主事李燾啟著越格陞

補太常寺少卿以示崇獎舊臣優錄後嗣至

意十月燾第三子其旋以教習期滿部選知

縣引

見得

旨原任大學士李燾宣力年久其子李其旋

著以主事用遇缺即補尋擢敏啟大理寺卿

其旋兵部員外郎

慕天顏列傳

慕天顏甘肅靜寧人順治十二年進士授浙

東名臣傳卷二

品

江錢塘縣知縣遷廣西南寧府同知

聖祖仁皇帝康熙六年遷福建興化府知府  
九年擢湖廣上荆南道福建總督劉兆麒奏  
天顏舊治錢塘多惠政士民至今思之及守  
興化奉使臺灣熟悉邊海情形於建造臺寨  
修葺戰船諸務殫心經理請調閩興泉道得  
旨俞允尋擢江蘇布政使十二年丁繼母憂  
總督麻勒吉巡撫瑪祜奏天顏廉明勤敏清  
理積年逋賦剔除挪移諸弊以條款紛知尚

禾報竣請令在任守制部議從之十三年正  
月天顏入

覲疏言江南田地錢糧有隱估詭寄諸弊臣  
蒞任後飭各州縣通計田額均分里甲每甲  
若干編有定數以均賦役又因科則不等所  
刊由單小民未盡通曉應立征收截票之法  
計每戶實征錢糧分作十限於開征日預給  
限票俾民自知應輸若干依限完納截票其  
逾限未截者按數催比吏不欺而民不擾第

漢名臣傳卷二  
恐日久奉行不力乞

諭部議行以期永遵又獄囚無親屬饋食者  
請月給米三斗疏下部議並著爲令十五年  
七月擢江寧巡撫十一月疏進錢糧交代冊  
上諭曰蘇松等處錢糧浩繁向來挪墊混淆  
慕天顏爲布政使後實心任事竭力清釐有  
裨國計據奏交代貯庫銀兩甚多欸項清楚  
深爲可嘉嗣後布政使交代時應以此爲式  
十六年三月以節減駙站錢糧加兵部侍郎

留任舊例有司侵盜公帑限一年完納逾限  
者遣戍財產入官天顏疏請于發遣前完納  
者仍贖其罪又言各省獄囚有因逸犯株連  
本無罪名而待質已三年者請卽於秋審時  
彙核開釋皆得

旨允行是時大將軍貝勒尙善討逆藩吳三  
桂於湖廣請以烏船濟師天顏奉

詔督造四十艘遣送岳州下部議叙應加三  
級得



漢名臣傳卷二

旨慕天顏自簡任巡撫以來寔心任事勤勞  
茂著深為可嘉著從優加太子少保兵部尚  
書仍兼都察院右副都御史授為從一品十  
七年

詔舉博學鴻儒天顏荐進士黃與堅教諭汪  
楫等並得

旨召試與堅授編修楫授檢討十九年疏言  
江南上年苦旱今夏霪雨連綿河流四溢惟  
附近之吳淞江劉河諸州縣既溢旋消幸不

重困宜與東南賴震澤轉洩西北全無出水  
之路故受災倍于他邑若常熟武進江陰金  
壇等縣出水要口在在湮塞遂致積雨成壑  
先擇其工易費簡者次第勸民疏濬惟常熟  
之白茆港為長洲崑山無錫諸水東北出海  
要道武進之孟瀆河為丹陽以東宜與金壇  
以北諸水歸江要道請動帑疏濬兼可寓賑  
于工

詔允所請于是濬白茆港自常熟支塘至海

漢名臣傳卷二

記

口四十三里濬孟濱河自武進奔牛鎮至江  
口四十八里各建閘以時啟閉費帑銀九萬  
有奇初天顏任布政使時議濬劉河吳淞江  
淤道巡撫瑪祐奏行之又自疏請減淨糧除  
版荒毋沒公占田地額賦部議令確勘版荒  
毋沒許豁除二十年疏請募民墾版荒六年  
後起科部議如所請時守令挪移官帑相率  
徇隱有鎮江知府高德貴承前任虧帑數萬  
兩闕久未盡補既遷揚州府以他事劾罷旋

病歿天顏檄追草豆減直銀七千餘兩于家  
屬京口防禦高騰龍德貴族弟也商之叅領  
馬崇駿以天顏浮冒奏銷諸款許于將軍楊  
鳳翔副都統張元勳置弗理搃督阿席旋劾  
崇駿騰龍婪取事

上命兵部郎中圖爾宸刑部郎中鍾有德會  
天顏鞠勘崇駿騰龍遣人叩

聞訟天顏奏銷浮冒惡其許告構陷罪款唆  
搃督劾奏

詔圖尔宸鍾有德訛質定讞下部核議崇駿  
騰龍焚取事寔論絞天顏浮銷草豆價囚戶  
部核減七千餘兩諉罪于無產可抵之已故  
知府高德貴應降三級調用仍賠銀得  
旨如議先是嘉定知縣陸隴其以才力不及  
部議降調由天顏疏劾之左都御史魏象樞  
摛其疏中據守稱絕一塵德有餘而才不足  
語謂今之有司惟守與德爲難耳旣知其才  
與德矣何不留之以長養百姓請

嚴飭督撫大破積習勿使廉吏灰心貪風日  
長會有

詔舉清廉官象樞遂舉隴其事詳隴其傳至  
是天顏將去任疏述軍興以來征發絡繹應  
時立辨遇連歲災荒竭歷撫循自謂夙夜永  
兢精白乃心不意突遭誣訐幸蒙

睿慈鑒宥不加嚴譴僅於降調感泣無已  
上曰慕天顏自任巡撫以來未聞有清廉之  
名疏內稱夙夜永兢精白乃心殊爲不合著

嚴飭行二十三年二月起爲湖廣巡撫  
諭之曰尔前任巡撫未能潔己率屬曾經申  
飭今宜痛改前非廉謹自持以副任使之意  
九月調貴州巡撫二十六年三月擢漕運總  
督十二月疏言京口至瓜州漕船往來有風  
濤之險宜仿民間渡生船式官設十船導引  
護防部議以非例不准  
上曰朕南巡時見京口瓜州往來人眾備船  
過渡裨益良多其如所請行天顏又疏列江

南江西累年未完漕項銀米數請

恩賞得

旨盡免康熙十七年以前積逋二十七年正  
月疏言

皇上特發帑金濬下河海口消積水以救災  
黎甚大惠也又以治河事宜奉行尙未盡善  
命臣與督撫諸臣會同殫心料理乃去入月  
河臣靳輔先具改圖之疏請築高家堰五堤  
束水以出清口復欲分洩黃河入海臣與督

漢名目作...  
臣董訥撫臣田雯咸謂宜修舊隄盡塞減水  
堤隴暢清口合黃刷沙歸海爲要策迨廷議  
再上

聖明洞照

特命尙書佛倫熊一瀟科臣達奇納趙吉士  
會同勘議臣極言重隄必不可恃惟修築高  
家堰堅厚卽可閉塞減水各堤永杜水患又  
以黃水挾沙而行今從毛城舖等處浸入諸  
湖若年深月久濁流淤沙勢必墊高洪澤湖

底故毛城舖閘堤斷宜堵塞時佛倫欲從臣  
言定議而科臣趙吉士謂必須斬輔摺承始  
可定稿輔言修築高家堰非十年之力不可  
成功佛倫乃有高家堰險處再築月隄之議  
臣維高家堰障遏全淮前人修築著有成效  
何獨今日不能加築完固况重隄旣估四十  
萬兩月隄勢必再估二三十萬以如許經費  
豈不能併力堅築舊隄乃故難其說而待十  
年之久耶若下河海口各工因水鄉低窪時

借宜洩眾論仍濬白駒丁溪二處已定稿矣  
忽改議盡停佛倫等攜稿自前途不知所改  
又奚若至屯田一事靳輔疏稱額外新淤河  
湖灘地招民屯墾多丈占民間熟田督撫二  
臣業已疏劾當勘河之日沿途百姓又紛紛  
訴告故佛倫亦謂必當停止而於疏稿中民  
田作為屯田及屯官苦累小民句各為竄改  
則又瞻顧河臣者也謹據寔密陳得  
旨九卿詹事科道嚴察議奏會靳輔已為御

史郭琇陸祖修等交章劾罷靳輔亦劾天顏  
與現治下河之侍郎孫在豐兒女姻親欲其  
建功故堅阻上流築隄事下九卿質問在豐  
降用天顏章職初靳輔議鑿中河謂閉塞支  
河之日使駱馬湖水滙流中河漕運永無阻  
滯天顏則謂中河不久即淤徒費無益至是  
工竣  
上遣學士開音布侍衛馬武往閱還奏天顏  
禁止堵塞支河口於已進中河之漕船勒令

漢名目傳卷二  
三  
退回

上以天顏有意阻撓下法司逮勘天顏反覆  
申辯副都御史噶爾圖詰天顏訴辭先後互  
異及索與曾治下河之直隸巡撫于成龍書  
往來商議河工狀成龍削加銜天顏坐奏事  
上書不以寔擬杖徒  
上曰慕天顏前任江寧巡撫造送烏船曾經  
効力從寬免罪三十五年卒年七十有三

王鴻緒列傳

王鴻緒江南婁縣人康熙十二年一甲二名  
進士授編修初名度心因父名廣心奏改今  
名十四年充順天鄉試副考官十六年充  
日講起居注官授左春坊左贊善十八年遷  
翰林侍講十九年

聖祖仁皇帝諭獎奉職勤勞諸講官加鴻緒  
侍讀學士銜時湖廣有朱方旦者自號二眉  
山人聚徒橫議造中說補謂中道在兩眉之  
間山根之上又自詡前知與人決休咎初爲

漢名目傳卷二

三

湖廣巡撫董國興以左道惑眾劾奏逮至京  
得

旨寬釋及逆藩吳三桂反順承郡王勒爾錦  
統師駐荊州方旦以占驗出入軍營巡撫張  
朝珍稱爲奇異神人

聖祖密諭勒爾錦軍機大事勿爲蠱惑方旦  
乃往江南浙江二十年七月鴻緒得方旦所  
刻中質秘書遂以奏進指摘其與徒問答語  
有誣罔

君上悖逆聖道搖惑民心三大罪言方旦擁  
妻妾廣田宅爲子納官交結勢要其所造中  
說補不外坐功鍊氣之術而妖党互相標榜  
謂今之眉山古之尼山方旦亦全無畏忌居  
之不宜刊書流播向在荊州軍前煽惑兵事  
後復遍遊江浙乘輿張蓋徒党如雲遠近奔  
走祈問吉凶常聚至數千人輒以小信小惠  
勾連入教雖漢之張角元之劉福通亦不過  
以是術釀亂臣叨



漢名目傳卷二  
恩侍從本無言責因見邪教橫行不勝憤激  
具疏糾劾得

旨朱方旦以市井匪人妄言休咎詭立邪說  
招致羽黨誣罔悖逆搖惑民心情罪重大此  
既所劾俱寔着湖廣巡撫嚴拿究擬在外督  
撫不先究治在內言官未曾糾劾並嚴行申  
飭方旦尋論斬伏法二十一年鴻緒轉侍讀  
充明史總裁官二十二年九月遷庶子十二  
月擢內閣學士充

大清會典副總裁二十三年九月擢戶部侍郎  
二十四年充會試正考官二十五年四月  
疏請回籍治本生母喪得

旨賜祭二十六年三月擢左都御史七月疏  
劾廣東巡撫李士楨昏憤貪劣於曾從吳逆  
之潮州府知府林杭學保舉清廉

詔士楨回奏士楨以年老昏憤自引咎部議  
士楨休致杭學章任會靈臺郎董漢臣上疏  
論時事以諭教元良慎簡宰執爲言御史陶

式王劾漢臣摺拾浮詞欺世盜名請逮治疏  
下內閣集九卿議議未決奉

特旨免議鴻緒疏言欽天監靈臺郎博士等  
官無知蒙昧者多皆由其始不擇流品星下  
屠沽之徒粗識數字便得濫竽授官之後又  
不專心學習勉盡職掌惟行險僥倖希圖遷  
擢請

敕下考試分別去留疏下禮部議行董漢臣  
及博士賈文然等十五人並以詞理舛誤黜

革時尙書湯斌爲太子講官先是九卿集議  
董漢臣罪斌有漸對董漢臣語至是鴻緒同  
左都御史瑣丹副都御史徐元珙鄭重等劾  
斌務名鮮寔並追論其于江寧巡撫去任巧  
飾文告以博虛譽

聖祖素重斌操守清廉置弗問九月鴻緒丁  
父憂歸里二十八年九月鴻緒將服滿尙未  
赴補左都御史郭琇疏劾之曰

皇上宵旰勤勞勵精圖治用人行政皆出

賡裁未嘗纖毫假手左右乃有植黨營私招搖撞騙如原任少詹事高士奇左都御史王鴻緒等表裏為奸恣肆于光天化日之下罪有可誅罄竹難悉試約畧陳之高士奇出身微賤其始也徒步來京覓館為生皇上因其字學頗工不拘資格擢補翰林令南書房供奉不過使之考訂文章原未假之與聞政事為士奇者即當竭力奉公以報

君恩于萬一計不出此而日思結納誦附大臣攬事招權以圖分肥凡內外大小臣工無不知有士奇之名夫辦事南書房者先後豈止一人而他人之聲名皆未著聞何士奇一入辦事而聲名赫奕乃至如此是其罪之可誅者一也久之羽翼既多遂自立門戶結王鴻緒為死黨科臣何楷為義兄弟翰林陳元龍為叔姪鴻緒胞兄王瑄齡為子女姻親俱寄以腹心在外招攬凡督

撫藩臬道府廳縣以及任內之大小卿員皆  
王鴻緒何楷等爲之居停哄騙而實緣照管  
者餽至成千累萬卽不屬黨護者亦有常例  
名之曰平安錢然而入之肯爲賄賂者蓋士  
奇供奉日久勢焰日張人皆謂之曰門路真  
而士奇遂自忘乎其爲撞騙亦居之不疑曰  
我之門路真是士奇等之奸貪壞法全無顧  
忌其罪之可誅者二也光棍俞子易在京肆  
橫有年惟恐事發潛遁直隸天津山東洛口

地方有虎坊橋瓦房六十餘間價值入千金  
餽送士奇末托照拂此外順城門外斜街並  
各處房屋總令心腹出名置買何楷代爲收  
租打磨場士奇之親家陳元師夥計陳季芳  
開張緞號寄頓各處賄銀資本約計四十餘  
萬又于本鄉平湖縣置田產千頃大興土木  
修整花園杭州西溪廣置田宅蘇松淮楊王  
鴻緒等與之合夥生理又不下百餘萬竊思  
以覓館餬口之窮儒而今忽爲數百萬之富

漢名臣傳卷二  
翁試問金從何來無非取給于各官然官從何來非侵國帑卽剝民膏夫以國帑民膏而填無厭之溪壑是士奇等真國之蠹而民之賊也其罪之可誅者三也

皇上聖明洞悉其罪止因各館史書編纂未完着解任竣事矜全之恩至矣極矣士奇乃不思改過自新仍怙惡不悛當

聖駕南巡時

上諭嚴戒餽送定以軍法治罪誰敢不遵惟

士奇與王鴻緒惑不畏死卽准揚等處王鴻緒招攬府廳各官約餽萬金潛遺士奇准揚如此他處又不知如何詐索矣是士奇等欺君滅法背公行私其罪之可誅者四也更可駭者王鴻緒陳元龍閔甲出身亦儼然士林之翹楚竟不顧清議爲人作壟斷而不以爲恥且依媚大臣無所不至卽人之所不屑爲者亦甘心爲之而不以爲辱苟圖富貴傷敗名教豈不玷

朝班而羞當世士哉搃之高士奇王鴻緒陳  
元龍何楷王頊齡等豺狼其性蛇蝎其心鬼  
蜮其形畏勢者既觀望而不敢言趨利者復  
擁戴而不肯言臣若不言有負  
聖恩臣罪滋大故不避嫌疑仰請  
皇上立賜罷譴明正典刑人心快甚天下幸  
甚疏入得

旨高士奇王鴻緒何楷陳元龍王頊齡俱着  
休致回籍時解任尙書徐乾學管修書掇裁

事旋爲副都御史許三禮所劾乞歸復以  
東巡撫佛倫劾其曾曷前任巡撫錢莊狗庇  
濰縣知縣朱敦厚草職事詳乾學傳三十年  
江寧巡撫鄭端鞠嘉定知縣聞在上爲縣民  
告發私派事先由按察使高承爵等訊結聞  
在上曾以賍銀二千兩分給聲言私派有干  
功令之舉人徐樹敏至告發乃退還論樹敏  
恐嚇取財應絞及鄭端覆訊衆証復得聞在  
上以賍銀五百兩餽送松江王搃憲亦于告

發後退還狀乃疏劾之曰舉人徐樹敏卽原  
任刑部尙書徐乾學之子也松江王德憲卽  
原任左都御史王鴻緒也一爲司寇一爲總  
憲富貴已極雖被論閒住當一飯不忘  
君恩潔身自好約束子弟使鄉里仰其德行  
後進奉爲典型乃不思自反專以招攬納賄  
爲事蚕食鄉井爲心而且忌刻陰毒狡猾反  
覆士民則倣風俗薄惡其未曾敗露者不敢  
以風影入告今聞在上一案乾學縱子行詐

鴻緒竟染賍銀修身教家之道已虧有玷本  
臣名節而司擬止及乾學之子不敢發鴻緒  
之奸殊非法紀之平乞

敕部將乾學鴻緒嚴加議處以儆官邪臣非  
不知乾學鴻緒各立門戶交結勢要內外聲  
氣無不暹透言出禍隨但臣旣受

國恩惟知有

皇上不知其他倘奸邪得除而士風民俗同  
歸於厚彼雖巧於中傷

漢名曰傳卷二  
聖明在上臣亦不敢他顧矣疏下部察議以  
乾學已革職免議鴻緒應令摠督審供定議  
鄭端復疏劾鴻緒曰聞在上私派一案據糧  
里口供聞在上係鴻緒投拜門生私派之時  
聞在上先到鴻緒處商量鴻緒爲之設計恃  
其奸謀勢力屢審漏網臣題奏後部覆奉  
旨交督臣審供定議爲鴻緒者自應靜聽質  
審乃敢串通原供犯官聞在上等欲圖改供  
從中暗行調度若不嚴懲將來紳棍效尤必

至毫無忌憚仰請

敕章王鴻緒職銜與一千人犯交于督臣親  
審定擬勿發下司致令如前徇情畏勢中其  
奸謀所關于風俗人心非淺鮮矣疏下部嚴  
察議奏尋

諭曰朕崇尚德教蠲滌煩苛凡大小諸臣素  
經拔擢者咸思恩禮下逮曲全始終卽或因  
事放歸懼咎罷斥仍令各安田里樂業遂生  
乃近見各官內外間有彼此傾軋伐異党同



私怨交尋牽連報復或已所銜恨而反囑人  
代糾陰爲主使或意所欲言而不直指其事  
巧陷術中雖業已解職投閒仍復吹求不已  
株連逮于子弟顛覆及于身家甚且而并奸  
民亦得借端陵侮蔑紀傷化不可勝言朕總  
攬幾務已三十年此等情態知之最悉夫讒  
譖嫉妬之害歷代皆有而明末爲甚公家之  
事置若罔聞而分樹党援飛誣排陷迄無虛  
日朕于此等背公誤國之人深切痛恨自今

已往內外大小諸臣應仰體朕懷各端心術  
盡蠲私忿共矢公忠倘仍執迷不悟復踵前  
非朕將窮極根株悉坐以交結朋党之罪時  
鴻緒就質

詔至得釋三十三年

命大學士于翰林官員內舉奏長于文章學  
問超卓者大學士王熙張玉書等荐鴻緒與  
徐乾學高士奇並

召來京修書三十八年授工部尙書三十九

漢名目傳卷二  
年奉

命同尚書范承勳監修高家堰堤工尋以與  
河督張鵬翮持議不協撤回四十二年充  
經筵講官四十三年以開濬京城河道浮銷  
經費坐失察部議革職得  
旨留任尋以濬河工竣予開復四十七年調  
戶部尚書四十八年以附和內大臣阿靈阿  
侍郎揆叙等議奏改立皇太子事奉  
諭切責以原品休致五十二年遇

萬壽覃恩疏請

封典廕生下部議以非現任不准得  
旨比原品解任之員停其廕生俱給與封典  
五十三年疏言臣舊居館職奉  
命爲明史總裁官與湯斌徐乾學葉方霽互  
相叅訂僅成數卷及臣回籍多年  
恩召重領史局而前此纂輯諸臣罕有存者  
惟大學士張玉書爲監修尚書陳廷敬爲總  
裁各專一類玉書任志廷敬任本紀臣任列

傳因臣原銜食俸比二臣得有餘暇刪繁就簡正謬訂訛如是數年彙分成帙而大學士能賜履續奉監修之

命檄臣列傳諸稿備錄奏進玉書廷敬暨臣皆未悉閱臣恐傳稿尚多舛誤自蒙

恩歸田欲圖報稱因重理舊編搜殘補闕蒼萃其全復經五載成列傳二百八卷其間是非邪正悉據已成公論不敢稍逞私臆但年代久遠傳聞異辭臣未敢自信為是謹繕寫

全稿貢呈

御鑒宣付史館以備參考得

旨下明史館察收五十四年復

召來京修書五十七年大學士王掞監修

省方盛典奏荐鴻緒學問素優堪任編輯

命為承修總裁官六十年尚書田從典侍郎

張伯行副都御史李紱為會試考官既發榜

有下第舉人喧嘩李紱之門御史舒庫入告

以紱不自奏聞部議革職發永定河工効力

鴻緒奉

命同大學士王項齡學士阿克敦等磨勘取  
中卷得文理疵謬者十二人三年後再令會  
試雍正元年八月卒於京禮部循例議卹  
世宗憲皇帝命勿予諡

今上乾隆四十年三月

諭曰國史館進呈所纂王鴻緒列傳於左都  
御史郭琇劾鴻緒與高士奇招納賄賂等案  
僅敘大畧而郭琇原疏未經載入恐傳于後

世其不知鴻緒輩之罪狀者妄疑一劾卽去  
或有屈抑其知者又疑秉史筆之人意存袒  
護不肯顯暴其短豈朕特命另修史傳之意  
乎夫王鴻緒高士奇與明珠徐乾學諸人當  
時互爲黨援交通營納眾所共知如郭琇所  
劾諸事並不爲枉而我

皇祖不加窮究僅于罷退蓋于明珠念其有  
襄辦討平吳逆之功而王鴻緒高士奇諸人  
則因文學尙優宣力史館是以屢下

漢名目傳卷二  
明詔剴切曉諭曲予矜全寔由我

皇祖聖德然卽以諸人事跡而論雖有交結  
納賄之私亦止于暗爲闕照不至勢燄薰灼  
左殺擅專如前明嚴嵩輩之肆奸蠹國陷害  
正人此亦人所共知也卽如郭琇忝劾明珠  
王鴻緒諸人後旋經

皇祖特加任用未聞有能稍事排擠者卽其  
後郭琇于拙督任內因他事罷官亦由其自  
取並非諸人之所能媒孽又寔由我

皇祖聖明是郭琇原跡于諸人被劾款跡皆  
當據事直書不必稍爲刪減卽使天下後世  
曉然于王鴻緒輩之罪狀如此郭琇之鯁直  
如此其後之自取罪戾如此並敬悉我  
皇祖之仁智並用措直得中又如此旣可令  
海內傳爲美談且足令朝臣共知鑑戒其於  
世道人心甚爲有益何必曲存隱諱乎其明  
珠本傳前已降旨改修外着交該館摠裁將  
王鴻緒徐乾學高士奇等列傳復加核訂所

漢名臣傳卷之二  
有郭琇等原劾諸疏悉載入傳內另繕呈覽  
其餘有類此者並着一體詳載以示大公而  
昭傳信焉

臣等謹將  
漢名臣傳卷之二終

漢名臣傳卷之二終

臣等謹將  
漢名臣傳卷之二終

天保三

